



SUATEA



COMUNICÁU DE PRENSA - EDUCACIÓN

RETAYOS NES ESCUELES OFICIALES D'IDIOMES Y ARTIMAÑES DE LA CONSEYERÍA

Dende SUATEA paeznos vergonzosa la manera d'actuar de l'Alministración en relación a los retayos que planteguen nes **Escuelas Oficiales d'Idiomes**. Pretenden retayar les hores nel nivel entemedio y avanzáu de les enseñances d'idiomes. Tou esto traduzse nuna amenorga importante nes plantiyes d'estos centros y nuna menor carga horaria pa esos alumnos que dempués podríen ser los responsables de los programes bilingües qu'agora mesmu se tán poniendo en marcha tantu nos centros de Primaria como nos de Secundaria y que tanto “cacarexen” dende la Conseyería d'Educación.

SUATEA denuncia l'ocultismu y la falta de tresporencia de l'Alministración, qu'a día de güei, inda nun dio a estos centros los datos concretos de los retayos que van aplicar nin siquiamente nes condiciones nes que quedaría'l profesoraú, cuando se deben faer yá los horarios tantu de los profesores como de los alumnos pal nuevu cursu. Amás, con esti retayu na plantiya orgánica aprobada en **Conseyu de Gobiernu'l 14 d'abril de 2010** (que recordemos qu'en base a una sentencia ganada por SUATEA de 20 d'ochobre de 2008, estos retayos son **illegales** porque nun pasaron por Conseyu de Gobiernu) lo que faen ye xugar colos sos trabayadores a los qu'intenten obligar de forma sibilina a movese a otru destín pa poder esanicar la so plaza de la plantiya orgánica del añu que vien.

SUATEA denuncia tamién la situación na que van quedar les direcciones de los Centros Integraos de Formación Profesional, nun siendo'l directores informaos de los sos ceses y enterándose de los mesmos pola prensa, nin fueron a lo llargo del cursu concedores de posibles cambeos. Cabo destacar tamién que nos resolvimientos que mientres la selmana pasada sacaron nel BOPA, faen referencia a un datu falsu, argumenten que'l cese produzse porque'l so mandatu de 4 años yá terminó , pero esto nun ye ciertu en tolos casos. La incertidume del futuru ye grande y con esta forma tan estraña de faer les coses, sabemos que detrás d'esto escuende otra artimaña más d'esta Alministración agónica.

Uviéu, 21 de xunetu 2010